

Walle, der vom Egidien= nach dem Leinthore sich hinzieht, über den schmalen an dieser Stelle nur 2 Ruthen breiten Stadtgraben herüber der Bürger und Ölschläger Kurd Borgentrik ¹⁾ dem Wächter auf der Mauer zu, es drohe Verrath

alle starfflik vnde brochsam sinth, vorrucket vnde vorgeten vnde nicht wol van eynen mynschen to dem anderen ahne vortefinge vnde scriffte in beqwemelike stede to vorwarende moghen nothafftigen genntliken in stetliker gedechtnisse gehalten worden. Alze doch in saken vnde in schefften darinne in besunderenheit to donde vnde gelegen is, vunde dergeliken of to kumpftiger vare, anrstes vnde schaden touormidende vnde der dinge vpsenyt, hode vnde in stetliker betrachtunge tohebbende, eyn ider vorpflichtet is; der vorpflicht nha vnde orsake willen hebben wy Cort Lymborch, Hans Blome borgermestere, Dirick Hagen, Dirick van Sode, Volkmer van Aunderten, Hermen Lunde, Cort Turke, Bartelt Juncknecht, Rodder Gerken, Hans Rude, Cort Bruns, Borchert Stille, Hermen Husingf, vnwerdige Ratmanne to Honouer, vnde wy Bartolt Dorhagen, Gerlich Rathusen, Hinrick Idensen vnde Hans Herbort, der gesworen veer vnde houetlude, dusse nabe sereuen vorghangen daet ahn vnser Stat Honouer vorgenommen in düt gegenwordige vnser Stadt denkeboke to eynere ewighen gedechtnisse of to eynem Exemplar tokumpftiges vornemendes vp dusse Stadt vorteken vnde scriuen laten, vnde hefft sich begeuen alse dat Hertoge Hinrick der elder to Brunswigh vunde Luneborch, Hertogen Wilhelms vnde Elizabet geboren van Stalberge sone, so de sulffte furste regimenteswoys van wegen des sulfften synes heren vnde vaders dusses ortlandes twisschen Deister vnde Leyne inne hadde, dorch mannichfoldige listige betrachtunge synes suluest vnde vnde (sic) anderer archwilliger bofer mynschen ome darto ratafftich vorneyment vnde darmede umghingh dusse Stadt Honouer, vns vnde alle borgere vnde inwonere darhine to eynem ewigen valle, vordruck vnde vorstoringe, beroffinge lyues vnde aller gudere, vnde sodans na synem begripe vnde archwilligen vornhemende dusse Stadt to sthgende vnde by nachtsclapender tid de dore vptoschetende vnde der vpsate vortokomende synt de blocke vor dat Steyndor vnde sunte Egidii dor gelecht vnde dorch andere anslege im synne hadde vnde darmede vunde ghyngf marklikerwoys, wo woll de leue benediede godt sodan vorneyment dorch syne gotliken barmherticheit opentlik vnde so kuntlik makede, sodan anslege nach des fursten begripe to entliker ouenyger daet nicht betengen dorste, So hefft doch desulue furste, so he synen begerliken ende dardorch nicht hefft began-

¹⁾ In dem alten Bürgerbuche heißt dieser 1447 Bürger gewordene Borgentrik nicht Hans, sondern Kurd.